



## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

10. Quinta morientium tentatio contra charitatem.

**urn:nbn:de:hbz:466:1-45701**

684 Cap. LX. Morientium spes pœnitentia, & auxilij in tentationibus,  
morietur. Quis tam claram Dei promissionem dicat esse simula-  
tatem & vanam? Nonnè fides docet, Deum esse similem Patrifami-  
lias, qui non tantum vocat operarios primo manè, & in meridi-  
6.  
Matth. 20. 1.  
Quos autem vocat, ijs & auxilia offert sufficientia, per quæ ve-  
nire possint ad vocantem. Vocare autem eum nos, etiam indi-  
cium est, quod tunc omnes ex præcepto jubeantur sua peccata  
confiteri, & præsto sit plerumque occasio confitendi, adeoque  
etiam potestas sacerdotis, (cuiuscumque, in ea vltima necessita-  
te) te absoluendi. Accedit & alterum præceptum, sacrum via-  
ticum sumendi. Quid autem est viaticum illud, nisi SS. Eucha-  
ristia Sacramentum, quod est pignus æternæ vita? Quomodo  
sperare non potest, qui tale pignus accipit à judice, ad quem ci-  
tatur? Adde, non sine graui caussa speciale à Christo institutum  
esse Sacramentum, ad spiritualem gratiam infirmis largiendam,  
eosque ad felicem mortem disponendos. Super quæ omnia se-  
uerissimum extat præceptum, ne quisquam, quam diu spirat, de-  
venia impetranda, aut misericordia diuina desperet; adeoque  
etiam fide excidat, à qua docemur, omnipotentis Dei clementiam  
ac bonitatem infinites esse maiorē, vniuersā non tantum unius,  
sed etiam omnium mortalium, qui sunt, quique fuere, Et qui  
post alijs erant in annis, iniuitate & impietate. Hinc in illo ar-  
ticulo mortis, non potest Deus luculentius offendī, quam si de  
eius misericordia desperemus. Hoc enim est Deum negare. Et  
S. Hieronymo teste, Iudas proditor magis peccauit desperando,  
quam Christum Dei Filium tradendo. E diuerso autem sceleratu-  
lo latro, quia Christi misericordiam inuocauit, jam in patibu-  
lo pendens, quod credidit, & petiuit, impetravit.

X.

5. Tentantur ægroti, quando nec de fide dimoueri possunt,  
nec à spe depelli, vt saltem charitate neque in Devm, neque in-  
proximum ferantur. Quid non machinatur Orcus, vt testa-  
menta nulla siant, & inde non solùm optimè meriti, amicissimi-  
que prætereantur, sed etiam lites & rixæ oriantur? Quoties eti-  
am opulentī è vita deceidunt, pauperum, Ecclesiarumq; oblii?  
Vel certè multi toti sunt in diuitijs suis, testamentisque dispo-  
nendis, ita vt tempus omne negligant; quod superesset, ad Deum  
super

super omnia, adeoque etiam super amicos, fortunas, & vitam ipsam amandum. Tunc enim tempus est, ut nos totos diuinæ voluntati tradamus, sequamurque ex hac vita ad meliorem nos euocantem. Similes esse debemus seruis expectantibus dominum suum, quando reuertatur à nuptijs: ut cùm venerit, & pulsauerit, confessim aperiant ei. At nos, quantum possumus, obnitimur, & obductamur, more reorum, necessitate tracti, non obsequio prompti. Si præmium laboris speramus, cur venimus inuiti? Quid tergiuersaris, miser? velis nolis, eundum est. Iam lata est à judice sententia, mutari non potest tuis querelis. Fac ex necessitate virtutem; & quod tibi difficile est, facile redde promptitudine tua: qua ipsa placabitur Iudex, qui te citauit, cùm viderit obsequentem. Nauigaturus nauclero credis de tempestate prospiciendi; crede & Deo, qui longè melius scit quando de vitæ portu soluenda sit nauis tua. Iam in gratia es, fortasse post annum non eris; fortasse nec cras eris. Quid tibi de supulchro, de funere, de morte inutiles cogitationes excitas? cogita de penitentia agenda; immola te Christo, saltem per hanc in lecto mortem, qui non potes in martyrio. At obijcit tibi satan parentes, filios, familiam, mille alias curas; obijcit fortasse seipsum terribilis larua metuendum? Imitare passerem illum, qui in Concilio Chalcedonum sub tegmine fagi celebrato, accipitre insequente, & eum jam jam vnguibus prehensuro, in sinum Xenocratis delapsus reperit perfugij securitatem. Multis passeribus meliores es sis vos, ait Dominus. Quodd si ergo Tartareus accipiter, te vrget; si vngues suos tibi iniijcere parat animam acturo, quò tutius confuges, quam in pectus & sinum Crucifixi Christi, qui tibi in manus traditur? &c, vt Chrysologus ait, dilatat viscera, pectus porrigit, offert sinum, gremium pandit, vt in vulnere lateris eius, tamquam in foraminibus petra, tutus habites, & animam tuam conserves? Nam illic passeris nidificabunt. Quia, vt S. Thomas scribit, *Memoria Dominicæ Passionis, contra insultus & tentationes diaconi munit & roborat.* Itaque non tantum dedit seipsum Christus, pro gratia nobis promerenda, sed etiam vel sola memoria Christi passus est nobis admodum salutaris. *Nihil tam salutiferum nobis est,* ait S. Augustinus, quam cogitare, quanta pro nobis pertulit Deus & homo.

Luc. 12. 26.

Manū: ius in  
apoptheg.  
lib. 7. n. 135.

Matth. 10.

Chrysol.  
serm. 108.

Cant. 2.  
Psal. 101.  
S. Thom. in  
I Petr. 4.

S. Augustin.  
vel alius.  
serm. 23. ad  
homo. frat in Erem.

Lobbetius.  
Dō. 2. quadr.  
q. 5.

*homo.* Ut ilissimi igitur documenti loco est historia, quam Lobbetius recenset de S. Ioanne Euangelista, qui maximo desiderio flagrabat Virginis Matri Christi, jam in cælo existentis, intuendæ. Et stitit se illi Virgo, cui sub cruce erat commendatus. Neque videndam dumtaxat, sed audiendam etiam se exhibuit, ac bene longum cum illo sermonem instituit de cruciatis Christi, quos illa in monte Caluariæ cordi suo impressisset, tamquam gladium à Simeone prædictum. Ad extremum adiecit, Filium suum Iesum ei, qui jugiter Passionem Domini meditaretur, has tres prærogatiwas concessisse. 1. Ut, antè quam è viuis excederet, feruentissimæ contritionis actum omnium peccatorum illi impetraret. 2. Deiparam illi in agone extremo, præsidio futuram; quam preinde non frustra quotidie salutantes dicimus: Ora pro nobis peccatoribus, nunc & in hora mortis nostræ. 3. Filium Matri transcripsisse omne jus quiduis pro illo impletandi. Adeò non modò dignum est, vt quæ pro nobis pertulit Filius, grata mente recolamus, sed etiam Matri acceptum, ut quos illa cordi suo impressit Seruatoris nostri dolores, etiam nos ipsi nobis imprimamus. In quam rem facit pia illa consuetudo eorum, qui in oratorio, aut Musæo suo, semper ante se habent Imaginem crucifixi, vnde & discant Dominicæ Passionis non obliuisci, & quas cogitationes, dum moritur reamdem effigiem aspicient, debeant exercere.

## C A P V T L X I .

*Quos D E V S maximè finat sine pœnitentia, in peccatis suis, emori; & Magistratus punire debeat, ne ob eos communitas patiatur?*

J.  
Matth. 17. 4.

Ihs 48. 22.



MNES, qui de cælo audiunt, vellent esse beati, dicuntque: Bonum est, nos hic esse: sed non omnes volunt facere id, per quod sicut beati. Sicut omnes optant pacem, at non omnes volunt praestare id, per quod obtineant pacem. Non est pax impis, dicit Dominus, & tamen, qui pacem optant, non colunt pietatem. Ita & ad beatitudinem cælestem nullus potest pertingere peccator, sine pœnitentia, pœnitentiam tamen